

Broj: 03-14-541/2017  
Sarajevo, 16.04.2018. godine

PARLAMENT FEDERACIJE  
BOSNE I HERCEGOVINE

- Predstavnički/Zastupnički dom  
gosp. Edin Mušić, predsjedavajući
- Dom naroda  
gđa Lidija Bradara, predsjedavajuća

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Prilazno: 17-04-2018			
Org. jed.	Broj	Priloga	Vrijednost
01,02	-14-	73B/18	

Poštovani,

U skladu sa članom 96. Zakona o budžetima u Federaciji Bosne i Hercegovine (Službene novine Federacije BiH, br. 102/13, 9/14, 13/14, 8/15, 91/15, 104/16 i 5/18), radi razmatranja i usvajanja, dostavljam **IZVJEŠTAJ O IZVRŠENJU BUDŽETA FEDERACIJE BOSNE I HERCEGOVINE ZA PERIOD OD 01. JANUARA DO 31. DECEMBRA 2017. GODINE**, koji je Vlada Federacije Bosne i Hercegovine usvojila na 111. hitnoj sjednici, održanoj 12.04.2018. godine.

Također, dostavljam i Zaključak Vlade o usvajanju predmetnog Izvještaja.

S poštovanjem,



PREMIJER

Fadil Novalić

Prilog: kao u tekstu

Co: Federalno ministarstvo finansija-  
Federalno ministarstvo financija  
gđa Jelka Milićević

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 111. hitnoj sjednici, održanoj 12.04.2018. godine, d o n o s i

## ZAKLJUČAK

1. Usvaja se Izvještaj o izvršenju Budžeta Federacije Bosne i Hercegovine za period 01. januara do 31. decembra 2017. godine.
2. Izvještaj iz tačke 1. ovog zaključka uputit će se Parlamentu Federacije Bosne i Hercegovine, radi razmatranja i usvajanja.
3. Ovaj zaključak stupa na snagu danom donošenja.

V. broj: 486 /2018  
12.04.2018. godine  
Sarajevo



**IZVJEŠTAJ**

**O IZVRŠENJU BUDŽETA FEDERACIJE BOSNE I HERCEGOVINE  
U PERIODU OD 1. JANUARA DO 31. DECEMBRA 2017. GODINE**

**/TEKSTUALNI DIO/**

**April, 2018. godine**

---

Na osnovu člana 90. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16), federalni ministar financija-finansija podnosi:

## **IZVJEŠTAJ**

### **o izvršenju Budžeta Federacije Bosne i Hercegovine u periodu od 1. januara do 31. decembra 2017. godine**

#### **I. UVOD**

Budžet Federacije Bosne i Hercegovine za 2017. godinu izvršavan je prema Zakonu o izvršavanju Budžeta Federacije Bosne i Hercegovine za 2017. godinu, („Službene novine F BiH“, broj: 104/16 od 30.12.2016. godine) i prema Zakonu o izmjenama i dopunama Zakona o izvršavanju Budžeta Federacije Bosne i Hercegovine za 2017. godinu, („Službene novine F BiH“, broj: 96/17 od 13.12.2017. godine).

U skladu sa navedenim zakonima, budžetski korisnici su finansijsko poslovanje obavljali preko Jedininstvenog računa Trezora, u okviru odobrenih operativnih mjesečnih planova.

Izveštaj je urađen na bazi podataka iz Glavne knjige Trezora i u 2017. godini ostvaren je pozitivan finansijski rezultat (suficit), odnosno ukupni prihodi, primici i finansiranja veći su od ukupnih rashoda i izdataka za 112,2 miliona KM.

#### **II. PRIHODI, PRIMICI I FINANSIRANJE**

Izmjenama i dopunama Budžeta Federacije BiH za 2017. godinu, po osnovu prihoda, primitaka i finansiranja, planirana su sredstva u iznosu od 2.697,4 miliona KM. Od ukupno planiranih sredstava ostvareno je 2.530,0 miliona KM, što je 94% planiranih sredstava.

Od ukupno ostvarenih prihoda, primitaka i finansiranja, prihodi od poreza (porez na dobit, prihodi od indirektnih poreza) ostvareni su u iznosu od 1.600,1 miliona KM, što je 63,2% ukupno ostvarenih prihoda, zatim neporezni prihodi (naknade, takse, novčane kazne...) ostvareni u iznosu od 519,7 miliona KM, što je 20,5% ukupno ostvarenih prihoda, dok su prihodi po osnovi finansiranja budžeta ostvareni u iznosu od 410,2 miliona KM, s učešćem od 16,21% u ukupnom ostvarenju.

U odnosu na 2016. godinu, ostvareni prihodi, primici i finansiranja bilježe porast od 7% ili u apsolutnom iznosu veći su za 156,3 miliona KM. Značajan porast u odnosu na prethodnu godinu zabilježen je kod slijedećih kategorija:

- Prihodi od poreza na dobit ostvareni su u iznosu od 75,6 miliona KM, što je u odnosu na prethodnu godinu više za 18%, odnosno za 11,7 miliona KM;
- Prihodi od indirektnih poreza ostvareni su u iznosu od 1.524,5 miliona KM, što je za 12% odnosno za 157,8 miliona KM više u odnosu na prethodnu godinu;

- Prihodi po osnovu povrata anuiteta (sredstva krajnjih korisnika za otplatu kredita) ostvareni su u iznosu od 276,9 miliona KM, što je za 44%, odnosno za 84,5 miliona KM više u odnosu na prethodnu godinu;
- Na analitičkom kontu 721119- „Ostali prihodi od finansijske i nematerijalne imovine“ ostvaren je prihod u iznosu od 24,3 miliona KM, a odnosi se na sredstva uplaćena od strane Union banke d.d. Sarajevo po Ugovoru o preuzimanju kreditnog portfolija
- Naknade i takse i prihodi od pružanja javnih usluga ostvareni su u iznosu od 121,7 miliona KM i veći su za 48% ili za 39,6 miliona KM u odnosu na prethodnu godinu.

Za razliku od naprijed navedenih kategorija prihoda, koji bilježe značajan porast u odnosu na 2016. godinu, primci od finansiranja koji su manji za 152,9 miliona KM, odnosno za 27%.

U odnosu na Izmjene i dopune Budžeta za 2017. godinu, zabilježen je podbačaj prihoda od 6% (167,4 miliona KM), jer nije došlo do naplate po osnovu „Primitaka od finansijske imovine“ koji su planirani u iznosu od 75,0 miliona KM kao ni „Zajmova primljenih kroz Državu“ koji su planirani u iznosu od 87,2 miliona KM.

Kad su prihodi u pitanju, važno je istaći da su „namjenski prihodi“ - Sredstva sa namjenskih podračuna (sredstva za zaštitu i spašavanje, putničke avio takse, sredstva od naknade za korištenje šuma, taksa za uspostavu naftnih derivata, taksa za izmirenje duga za isporuku prirodnog gasa, naknade od privređivanja igara na sreću...) u skladu sa Uputstvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračuna u okviru Jedininstvenog računa Trezora, za iznos neutrošenih sredstava na podračunima, preknjižena na konta razgraničenja. Isti će u sljedećoj fiskalnoj godini biti osnova za realizaciju odobrenih namjenskih rashoda.


U sljedećoj tabeli koja je sačinjena na višem sintetičkom nivou, data je struktura ostvarenih prihoda, primitaka i finansiranja s indexima ostvarenja u odnosu na prethodnu godinu, te indexima ostvarenja u odnosu na planirana sredstva prema Izmjenama i dopunama Budžeta za 2017. godinu.

(u 000 KM)

Naziv	Izmjene i dopune Budžeta za 2017.	Ostvareno I-XII 2017.	Ostvareno I-XII 2016.	Index 3/2	Index 3/4
1	2	3	4	5	6
<b>I. Prihodi od poreza (1+2+3)</b>	<b>1.620.284</b>	<b>1.600.101</b>	<b>1.434.867</b>	<b>99</b>	<b>112</b>
1. Prihodi od indirektnih poreza (1.1+1.2)	1.553.493	1.524.474	1.366.673	98	112
1.1 Prihodi od indirektnih poreza koji pripadaju Federaciji	904.189	889.497	901.298	98	99
1.2 Prihodi za servis vanjskog duga	649.303	634.976	465.374	98	136
2. Porez na dobit	66.655	75.574	63.887	113	118
3. Ostali porezi	136	53	3.944	39	-
<b>II. Neporezni prihodi</b>	<b>504.522</b>	<b>519.693</b>	<b>375.741</b>	<b>103</b>	<b>138</b>

<b>III. Tekući transferi i donacije</b>	<b>29</b>	<b>41</b>	<b>44</b>	<b>141</b>	<b>93</b>
<b>A Ukupno ( I+II+III)</b>	<b>2.124.835</b>	<b>2.119.834</b>	<b>1.810.652</b>	<b>100</b>	<b>117</b>
<b>IV. Primici od prodaje stalnih sredstava (1+2)</b>	<b>120.166</b>	<b>120.166</b>	<b>53</b>	<b>100</b>	<b>-</b>
1. Primici od prodaje vozila	117	117	53	100	220
2. Primici od sukcesije	120.049	120.049	0	100	-
<b>V. Primici od finansijske imovine</b>	<b>75.000</b>	<b>0</b>	<b>0</b>	<b>-</b>	<b>-</b>
<b>VI. Dug. krediti i zajmovi (1+2+3)</b>	<b>117.426</b>	<b>30.203</b>	<b>242.637</b>	<b>26</b>	<b>12</b>
1. MMF – Stand by aranžman	87.246	0	102.521	-	-
2. Primici od dugoročnih obveznica	30.000	29.999	139.912	100	21
3. Direktne obveze F BiH	180	204	204	113	100
<b>VII. Primici od kratkoročnog zaduživanja</b>	<b>260.000</b>	<b>259.833</b>	<b>320.411</b>	<b>100</b>	<b>81</b>
1. Primici od trezorskih zapisa	260.000	259.833	320.411	100	81
<b>B Finansiranje (IV+V+VI+VII)</b>	<b>572.592</b>	<b>410.202</b>	<b>563.102</b>	<b>72</b>	<b>73</b>
<b>Ukupno ( A+B)</b>	<b>2.697.428</b>	<b>2.530.036</b>	<b>2.373.754</b>	<b>94</b>	<b>107</b>

Grafički prikaz ostvarenja ukupnih prihoda, primitaka i finansiranja ostvarenih u 2017. godini u odnosu na Izmjene i dopune Budžeta za 2017. godinu, te u odnosu na prethodnu godinu:



**1. Prihodi od poreza** ostvareni su u iznosu od 1.600,1 miliona KM, što je 99% u odnosu na Izmjene i dopune Budžeta za 2017. godinu. U odnosu na prethodnu godinu porezni prihodi bilježe porast od 12%, odnosno veći su za 165,2 miliona KM.

Strukturu poreznih prihoda čine:

- **Prihodi od indirektnih poreza**, kao najznačajnija stavka, sa učešćem od 60,3% u ukupno ostvarenim prihodima, primicima i finansiranju, iznose 1.524,5 miliona KM, a odnose se na:

- prihode koji pripadaju federalnom budžetu u iznosu od 889,5 miliona KM što je za 1% manje u odnosu na ostvarenje u prethodnoj godini i
- prihode na ime finansiranja vanjskog duga Federacije BiH u iznosu od 635,0 miliona KM, što je za 36% više u odnosu na ostvarenje u prethodnoj godini.

- **Prihodi od poreza na dobit** ostvareni su u iznosu od 75,6 miliona KM, što je 113% u odnosu na planirana sredstva prema Izmjenama i dopunama Budžeta za 2017. godinu. U odnosu na ostvareni porez na dobit u 2016. godini, porez na dobit u 2017. godini veći je za 18%, odnosno za 11,7 miliona KM.

Posmatrano analitički, najveće učešće u navedenim prihodima imaju prihodi po osnovu poreza na dobit banaka u iznosu od 30,7 miliona KM, zatim prihodi po osnovu poreza po odbitku, po osnovu kojeg je u federalni budžet uplaćeno 15,6 miliona KM, te prihodi od poreza na dobit od pravnih lica iz oblasti igara na sreću koji su ostvareni u iznosu od 12,2 miliona KM. Pored navedenog, značajna sredstva uplaćena su i po osnovu poreza na dobit pravnih lica iz oblasti pošte i telekomunikacija koji su ostvareni iznosom od 10,2 miliona KM, zatim po osnovu poreza na dobit mikrokreditnih organizacija 2,6 miliona KM, te društava za osiguranje imovine i lica u iznosu od 2,4 miliona KM.

**2. Neporezni prihodi** (prihodi od poduzetničkih aktivnosti i imovine, naknade, takse, novčane kazne i ostali neporezni prihodi) ostvareni u iznosu od 519,7 miliona KM i bilježe rast od 38 % u odnosu na prethodnu godinu, te 3% u odnosu na plan budžeta za 2017. godinu.

Ostvarenje neporeznih prihoda po glavnim kategorijama je:

- prihodi od poduzetničkih aktivnosti i imovine 384,0 miliona KM;
- naknade, takse i prihodi od pružanja javnih usluga 121,7 miliona KM i
- novčane kazne iznose 13,9 miliona KM.

Više od polovine ostvarenih neporeznih prihoda (53,3%) zauzimaju prihodi od povrata anuiteta (sredstva krajnjih korisnika za otplatu kredita) po čijem osnovu je uplaćeno 276,9 miliona KM.


Slijedeća značajna stavka u okviru neporeznih prihoda jesu prihodi od dividende koji iznose 71,3 miliona KM, a odnose se na uplate BH Telecoma u iznosu od 61,2 miliona KM, Elektroprenosa BiH A.D. Banja Luka u iznosu od 4,1 miliona KM, JP Elektroprivrede BiH 4,7 miliona KM, Unisa Ginex Goražde 0,7 miliona KM, te Igmana Konjic 0,6 miliona KM. U 2017. godini, prihodi od dividende bilježe podbačaj kako u odnosu na plan (za 5%), tako i u odnosu na prethodnu godinu (za 9%).

**3. Po osnovu finansiranja** budžeta Federacije BiH, na Jedinostveni račun Trezora doznačena su sredstva u iznosu od 410,2 miliona KM, a odnose se na:

- zaduženje Federacije Bosne i Hercegovine po osnovu emisije trezorskih zapisa u iznosu od 259,8 miliona KM,
- zaduženje putem emisije dugoročnih obveznica u iznosu od 30,0 miliona KM,
- primitak od sukcesije u iznosu od 120,0 miliona KM (klirinški dug bivšeg SSSR-a),
- primitak od prodaje motornih vozila u iznosu od 117 hiljada KM i
- primitak od inostranog zaduženja (direktne obaveze) u iznosu od 203,6 hiljada KM.

Učešće ostvarenih prihoda, primitaka i finansiranja analitički po vrstama, u ukupno ostvarenim prihodima s grafičkim prikazom:

Redni broj	Opis	Ostvarenje 2017. godine u (000) KM	% učešća
1.	Porez na dobit	75.574	2,99
2.	Prihodi od indirektnih poreza	1.524.474	60,25
3.	Ostali porezi	52	0,00
4.	Prihodi od dividende	71.306	2,83
5.	Neporezni prihodi (osim dividendi i prihoda od povrata anuiteta)	171.434	6,78
6.	Prihodi od povrata anuiteta	276.953	10,95
7.	Tekući transferi i donacije	40	0,00
8.	Primici od sukcesije	120.049	4,74
9.	Primici od prodaje stalnih sredstava	117	0,00
10.	Primici od trezorskih zapisa	259.833	10,28
11.	Primici od dugoročnih obveznica	29.999	1,18
12.	Ostalo financiranje (revolving fond)	204	0,00
	<b>UKUPNO</b>	<b>2.530.036</b>	<b>100,00</b>



### III. RASHODI I IZDACI



Ukupno obračunati rashodi i izdaci za 2017. godinu iznose 2.417,9 miliona KM, što je 90% planiranog prema Izmjenama i dopunama Budžeta Federacije BiH za 2017. godinu.

Rashodi i izdaci na gotovinskoj osnovi iznose 2.284,8 miliona KM, što je 94% ukupno obračunatih rashoda i izdataka.

Izvršenje rashoda po glavnim kategorijama je kako slijedi:

- o tekući rashodi (plaće i naknade, doprinosi, materijalni izdaci, tekući transferi i drugi tekući rashodi, izdaci za kamate) obračunati su u iznosu od 1.379,7 miliona KM;
- o kapitalni izdaci (nabavka stalnih sredstava i kapitalni transferi) iznose 38,9 miliona KM;
- o izdaci za finansijsku imovinu (izdaci za kupovinu dionica i ostala domaća pozajmljivanja) iznose 2,7 miliona KM;
- o otplata duga (vanjski i unutrašnji dug, otplate domaćeg pozajmljivanja) 996,5 miliona KM.

U odnosu na izvršenje u prethodnoj godini, rashodi i izdaci bilježe porast od 6%, ili u apsolutnom iznosu veći su za 129,1 miliona KM. Najveći uticaj na navedeni porast imala je otplata vanjskog duga gdje je evidentiran porast izvršenja u iznosu od 170,2 miliona KM, kao i otplata duga po osnovu emitovanih dugoročnih obveznica gdje je evidentiran porast od 80,0 miliona KM. Također, na poziciji „Kapitalni transferi“ evidentiran je porast u iznosu od 12,5 miliona KM, na poziciji „Tekući transferi“ evidentiran je porast u iznosu od 63,9 miliona KM, zatim na poziciji „Izdaci za nabavku stalnih sredstava“ evidentirana je nabavka zgrade za smještaj institucija Vlade F BiH u iznosu od 5,7 miliona KM, što je direktno uticalo na porast pomenute kategorije rashoda u odnosu na prethodnu godinu.

Grafički prikaz ukupnih rashoda i izdataka realizovanih u 2017. godini u odnosu na planirane rashode prema Izmjenama i dopunama Budžeta za 2017. godinu, te u odnosu na rashode i izdatke ostvarene u 2016. godini.

